



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412

fax. +387 33 726 423

e – mail: info@voda.ba

Broj: **UP-1/21-2-40-268-2/24**

Datum: **05.06.2024. god.**

«Agencija za vodno područje rijeke Save» Sarajevo rješavajući po zahtjevu JU «Zavod za prostorno uređenje» Grada Bihaća, podnesenom za izdavanje vodne saglasnosti za „izgradnju pješačkih drvenih mostova preko rijeke Une i uređenju pješačkih staza na Gradskoj otoci i Amerikančevoj otoci te spajanje na lijevu obalu rijeke Une kod nekadašnjeg Higijenskog zavoda u centru grada Bihaća“, na osnovu člana 114. a u vezi sa članom 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

RJEŠENJE **o vodnoj saglasnosti**

1. Investitoru, JU «Zavod za prostorno uređenje» grad Bihać, daje se vodna saglasnost na projektnu dokumentaciju pod nazivom: „Glavni projekat – Legalizacija i izgradnja pješačkih mostova i uređenje pješačkih staza na dionici gradska otoka – Amerikančeva otoka – zgrada bivšeg higijenskog zavoda Bihać“ u cilju razvoja turističke ponude i rekreacijskog prostora izgradnjom mostova i pješačkih staza u vodnom dobru rijeke Une u centru grada. Projekat urađen od strane ovlaštenog pravnog lica „Euroing“ doo Bihać pod brojem AGP 10-04/24 aprila 2024. godine, revidiran od strane ovlaštenog pravnog lica „Zagrebinspekt“ doo Mostar, maja 2024. godine pod brojem 01-20-33-V/24.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena u skladu sa odredbama člana 114. stav (3) Zakona o vodama i ista je sastavni dio ovog rješenja vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljeni Glavni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-138-10/23 od 07.04.2024. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
 - 3.2. Nosilac prava iz vodne saglasnosti dužan je u saradnji sa izvođačem radova i nadzornim organom prije početka radova riješiti sve eventualne nepoznanice na lokaciji predviđenoj za izgradnju mostova i pješačkih staza koji se cjelokupnom dužinom nalaze u vodnom dobru rijeke Une, bilo da je u privatnom ili u vlasništvu države kojim upravlja Agencija.
 - 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa temeljnih stopa mostova na obje strane temeljenja na obalama i rijeke Une koje se premošćuju, i svim ostalim podacima koji se uobičajeno vode kod ovakve vrste radova.
 - 3.4. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.5. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.6. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.7. Nakon završetka radova neophodno je radni pojas koji uključuje pojas uz korito, inundacioni pojas i obale na mjestu izvođenja aktivnosti, urediti i očistiti od gradilišnih zahvata, mehanizacije i gradilišnog otpada.

- 3.8. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.9. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni izgradnjom pješačkih mostova preko rijeke Une, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na izgradnji mostova preko rijeke Une na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvjestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Investitor (korisnik vodne saglasnosti) ostaje u obavezi, a kada period izvođenja radova na izgradnji pješačkih drvenih mostova preko rijeke Une bude tačno preciziran, najmanje sedam dana ranije obavijesti predstavnike lokalne zajednice o početku izvođenja radova.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
9. Korisnik vodne saglasnosti je u suradnji sa gradom Bihaćem dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška iskopanog materijala.
10. Vodna saglasnost prestaje da važi istekom roka od **dvije godine** od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, JU "Zavod za prostorno uređenje" Bihać, je podnio zahtjev dana 27.05.2024. godine za izdavanje vodne saglasnosti za „izgradnju pješačkih drvenih mostova preko rijeke Une i uređenje pješačkih staza na Gradskoj otoci i Amerikančevoj otoci te spajanje na lijevu obalu rijeke Une kod nekadašnjeg Higijenskog zavoda u centru grada Bihaća", dužina postojećeg mosta gradska otoka – mala Amerikančeva otoka iznosi 56 m širine 2,5 m, dužina projektiranih mostova i to: most mala Amerikančeva otoka – velika Amerikančeva otoka iznosi 22 m širine 2,5 m i most velika Amerikančeva otoka – zgrada bivšeg Higijenskog zavoda iznosi 46 m širine 2,5 m.

Uz zahtjev za izdavanje vodne saglasnosti dostavljena je slijedeća dokumentacija:

- Rješenje Općinskog suda u Bihaću o upisu subjekta u sudski registar broj 017-0-Reg-06-000001 od 27.04.2006. godine,

- Rješenje Općinskog suda u Bihaću o izmjenama podataka broj 017-0-Reg-24-000019 od 22.02.2024. godine,

- Uvjerenje o poreznoj registraciji izdato od Porezne uprave Federacije BiH – Kantonalni ured USK Bihać, dana 01.06.2006. godine,

- Kopija izdate prethodne vodne saglasnosti od strane AVP Sava Sarajevo broj: UP-1/21-1-40-138-10/23 od 07.04.2024. godine,

- Dokaz o uplaćenju administrativnoj pristojbi – kopija uplatnice,

- Urbanistička saglasnost broj: 03/1-19-1-540/23 izdata od strane Službe za urbanističko planiranje, građenje, imovinsko-pravne i geodetske poslove grada Bihaća dana 20.02.2024. godine,

- Situacija terena od 06.03.2023. godine izdata pod brojem 03/1-19-1-540/23 od dana 20.02.2024. godine, grad Bihać

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije angažirao ovlašteno pravno lice, „Euroing“ d.o.o. Bihać koje je uradilo Glavni projekat kako je prethodno navedeno u tački 1. rješenja,
- Ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
- Da je od strane ove Agencije, rješenjem broj UP-1/21-1-40-138-10/23 od 07.04.2024. godine, izdana prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - o Situativni prikaz projektnog rješenja za lokalitet planiranih radova izgradnje pješačkih drvenih mostova preko rijeke Une u Bihaću, razmjere 1:250. U projektnoj dokumentaciji je priložen uzdužni profil u razmjeri 1:200 i poprečni profili u razmjeri 1:25;

Na osnovu priložene tehničke dokumentacije utvrđeno je da se u svrhu turističke ponude i rekreacije korisnika odnosno stanovništva grada Bihaća postiže navedeni cilj izgradnjom pješačkih drvenih mostova.

Na osnovu utvrđenog činjeničnog stanja, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnosti, u tački 3. dispozitiva Rješenja, propisani uslovi u skladu sa članom 109. stav (1) tačka 2., a u vezi sa članom 114. „Zakona o vodama“ i članom 10., Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), koje je isti dužan ispuniti u toku gradnje predmetnih mostova.

Na osnovu provedenog postupka konstatuje se da je podnosilac zahtjeva, JU „Zavod za prostorno uređenje“ Bihać, ispunio minimum uslova za izdavanje vodne saglasnosti te je riješeno kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Obradivač akta:

Fuad Mujagić, dipl.inž.

Prilog: Ovjerena dokumentacija: : „Glavni projekat – Legalizacija i izgradnja pješačkih mostova i uređenje pješačkih staza na dionici gradska otoka –Amerikančeva otoka – zgrada bivšeg higijenskog zavoda Bihać“ urađen od strane ovlaštenog pravnog lica „Euroing“ doo Bihać pod brojem AGP 10-04/24 aprila 2024. godine, revidiran od strane ovlaštenog pravnog lica „Zagrebinspekt“ doo Mostar, maja 2024. godine pod brojem 01-20-33-V/24.

Po ovlaštenju

**Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- JU „Zavod za prostorno uređenje“ Bihać, 502 Viteške brigade br.3 77000 Bihać; (sa prilogom)
- Q ISV-vodna knjiga – ovdje;
- Arhiva – ovdje;
- AVP Sava – Oglasna ploča